

# HENNEPIN COUNTY

## MINNESOTA

## Nyiaj Pab Rau Lag Luam Me thiab Cov Nonprofit Cov Lus Nug Nqhuag Nug Txog (FAQ)

Sijhawm Qhib Ua Ntawv Thov: Lub 1 Hlis tim 4 thaum tav su mus txog Lub 1 Hlis tim 14 thaum tav su  
Peev nyiaj pab: \$24.6 lab nyiaj los ntawm lub State of Minnesota

Cov lus teb hauv qab no yuav muab hloov li cas los tau thiab kho raws tej lus nug uas txais tom qab.

### **KHO TSHIAB Lub 12 Hlis tim 30, 2020**

#### **1. Puas yog txhua tus neeg uas muaj npe thov yuav txais peev nyiaj pab?**

Tsuas muaj \$24.6 lab nyiaj los pab xwb. Seb nyob raws pes tsawg leej ua ntawv thov tuaj, tej zaum kuj yuav tsis muaj nyiaj txaus pab rau txhua tug. Qhov koj tso npe thov yuav tsis txhais tau tias koj yuav txais peev nyiaj pab.

#### **2. Kuv lub lag luam lossis koom haum nonprofit raug tswv xeev cov lus txib txwv, tiamsis tsis muaj npe nyob hauv cov txheem lus thov nyiaj. Kuv puas tseem muaj npe thov tau?**

Txhua tus neeg thov yuav tsum muaj raws li tej txheem lus hais txog kev muaj npe thov nyiaj.

Yuav kom ib lub lag luam muaj npe, lawv yuav tsum yog lag luam me, nyob hauv zos, for-profit lossis nonprofit uas khwv tau nyiaj li ib lub lag luam nyob hauv Hennepin County thiab tau raug kev txwv lossis tsis txwv los ntawm tswv xeev cov lus txib [Executive Order 20-99](#) Section 7c iii, uas ntsig tej lab noj mov, tsev haus cawv, tsev cub npias, tsev ua mov noj rau tej koob tsheej, kev ntaus nkaus mloog hauv tsev, kev seev cev, tsev nqa kab, tsev qoj ib ce lossis lwm lub tsev ua kis las hauv tsev, lossis tej lag luam uas tau nyiaj los ntawm kev muag khoom thiab haujlwm uas txoj cai EO 20-99 tau los cuam tshuam thiab ua rau poob peev li ntawm 30%.

Tej lag luam for-profit uas raug tswv xeev cov lus txib yav tag los kom qhov chaw lag luam tsis txhob muaj neeg tuaj coob coob thiab poob peev li ntawm 30% los kuj muaj npe thiab, xws li tej lag luam ua rau tes rau taw thiab txiav plaub hau; tej lag luam uas muag khoom siv



rau hauv tsev lossis; lossis lwm yam lag luam uas yuav tsum tau tim ntsej tim muag, xws li ntxhua khaub ncaws dry cleaner, kev tu tsev. Tej lag luam uas tsis raug tswv xeev cov lus txib txwv nws, yuav tsum muaj ntawv pov thawj txog kev poob peev li 30% thaum muab piv rau kev tau nyiaj yav tag los (Lub 4 Hlis txog 9 Hli).

Yog tias koj muaj raws li tej no rau koj lub koom haum, ces koj tso npe thov tau thiab xaiv seb koj lub koom haum yog hom twg hauv daim ntawv thov qhov drop down menu. Mam li xyuas koj daim ntawv thov, thiab tus tswj qhov txheej xwm no mam li yog tus txiav txim.

**3. Kuv tau ua ntawv thov nyiaj rau zaum uas Hennepin County qhib rau tej lab ua mov noj, tsev haus cawv, tsev nqa kab thiab lwm lag luam los tso npe rau Lub 11 Hlis 23 thiab Lub 12 Hlis tim 1 uas raug tswv xeev cov lus txib Executive Order 20-99 txwv thiab tsis tau txais peev nyiaj pab vim tsis muaj nyiaj txaus. Kuv puas tas rov tso npe dua?**

Tsis tas koj yuav rov tso npe dua. Yuav rov muab koj daim ntawv thov coj los xyuas dua raws li tej txheem lus thov peev nyiaj zaum no. Tej zaum kuj yuav hais kom koj muab ntaub ntawv ntxiv tuaj thiab tej zaum yuav tsis pom zoo txais peev nyiaj rau koj yog koj tsis muaj raws li tej txheem lus. Piv txwv li, lub State of Minnesota hais kom txhua tus neeg thov tsis tshuav nuj nqis them se nrog lub secretary of state thaum ua ntawv thov.

**4. Kuv twb tau txais tsoom fww peev nyiaj pab rau xwm txheej ceev xws li Paycheck Protection Program (PPP), peev nyiaj los ntawm lub State of Minnesota, lossis lwm peev nyiaj los ntawm ib lub zos nyob hauv Hennepin County. Kuv puas yuav muaj npe rov thov peev nyiaj Hennepin County Nyiaj Pab Rau Lag Luam Me thiab Cov Nonprofit?**

Yog, thov tau, tiamsis cov nyiaj los Hennepin County yuav tsum muab coj mus siv rau lwm yam nuj nqis uas raug uas tsis tau roos dua los. Piv txwv li, yog koj siv tsoom fww peev nyiaj los them rau ib lub tso cua txias HVAC tshiab, koj siv tsis tau Hennepin County Nyiaj Pab Rau Lag Luam Me thiab Cov Nonprofit rov los roos tib lub tso cua txias HVAC ntawd dua.

**5. Kuv twb tau txais peev nyiaj los ntawm Hennepin County Small Business Relief Fund lawm. Kuv puas tseem muaj npe los thov thiab txais nyiaj pab ntxiv zaum no?**

Yog, thov tau. Ib lub lag luam uas tau txais peev nyiaj pab Hennepin County Small Business Relief yav tag los yeej rov thov tau nyiaj pab dua, tsuav lawv muaj nuj nqis raug uas peev nyiaj pab tau lossis tshaj ntawd thiab tsis tau muaj lwm peev nyiaj los ntawm zos, xeev, lossis tsoom fww los pab dua. Cov ua ntawv thov uas tsis tau txais nyiaj pab los ntawm Hennepin County dua los, thiab cov uas tau thov nyiaj rau zaum uas qhib rau tej lab noj mov, tsev haus npias, tsev nqa kab thiab lwm lub lag luam los tso npe thov uas raug tswv xeev cov lus txib EO 20-99 txwv yuav yog cov xub tau thib.

**6. Kuv lub lag luam yeej yuav txais peev nyiaj pab rau lag luam vim tus kab mob COVID-19 los ntawm lub Minnesota Department of Revenue. Kuv puas tseem puas npe txais peev nyiaj pab no thiab?**

Yog, tej lag luam uas yuav txais peev nyiaj pab los ntawm lub Minnesota Department of Revenue (DOR) los yeej muaj npe thov tau peev nyiaj pab no thiab, yog tias cov nuj nqis raug li peev nyiaj pab tau lossis tshaj ntawd thiab lwm peev nyiaj yuav tsis los roos tib qho nuj nqis ntawd. DOR yog tus them peev nyiaj pab thiab mam li qhia tej lag luam uas muaj npe (tej lab noj mov, tsev haus cawv, tsev nqa kab, thiab chaw ua si bowling) hauv online ntawm tus as khauj e-Services rau Lub 12 Hlis tim 31, 2020. Cov lag luam uas twb muaj npe lawm tsis tas yuav ua dabtsi thiab yeej yuav txais peev nyiaj los ntawm lub Minnesota Department of Revenue (DOR). Yog xav paub ntxiv, thov mus nyeem cov ntaub ntawv uas los ntawm DOR txog [kev muaj npe, them pes tsawg, thiab sijhawm](#).

**7. Thaum twg yuav tsum yog lub sijhawm kuv pib muaj lub lag luam?**

Ib lub lag luam uas pib rau sijhawm muaj tus kab mob kis thoob qab ntuj, thiab raug kev txwv los ntawm tswv xeev cov lus txib Executive Order 20-99 Section 7c iii yog cov muaj npe. Lwm yam lag luam yuav tsum muaj ntaub ntawv pov thawj qhia txog kev poob peev li ntawm 30% thaum muab piv rau xyoo 2019.

**8. Kuv lub lag luam yog ua nyob hauv tsev. Kuv puas muaj npe thov tau peev nyiaj pab?**

Yog, thov tau yog koj lub lag luam ua hauv tsev muaj txog li ib lossis ob tug neeg ua haujlwm uas them nyiaj W-2 rau thiab tsis suav tus tswv thiab koj muaj raws li cov txheem lus hais txog kev muaj npe. Tej tsheb ua mov noj thiab cov lag luam mus rau ub rau no yog xam tias yog lag luam ua nyob hauv tsev (home-based) raws li kev cai thov peev nyiaj no thiab yeej muaj npe, yog tias muaj cov neeg ua haujlwm W-2, tsis suav tus tswv.

Tej daim teb uas cub cawv haus, cub kua txiv hmab tej ntawd yog tej lag luam raws li kev cai thov peev nyiaj no thiab yeej muaj npe thov tau.

**9. KHO TSHIAB: Kuv lub lag luam ua rau ib lub koob tsheej nyob sab nraum zoov. Kuv puas muaj npe thov tau peev nyiaj pab?**

Tej koob tsheej ua rau nraum zoov thiab kev lom zem xws li lub yeej sib xeem tsheb, kev tua paintball, caij tsheb go-karts, ua si mini-golf, chaw seev cev, koom tsheej festival, ua fair, vendor fair, thiab chaw ua si caij tej tsheb lom zem (amusement parks) uas tswv xeev cov lus txib [EO 20-99 Section 7c iii D](#) hais kom kaw, yeej muaj npe thov yog lawv muaj laws li tej txheem lus hais txog kev muaj npe. Tej koob tsheej ua nraum zoov uas tsis tas kaw raws li tswv xeev cov lus txib EO 20-99 Section 7 c iv kuj muaj npe thiab, yog tias lawv muaj ntaub ntawv pov thawj qhia txog kev poob peev li ntawm 30% thaum muab piv rau tej xyooos dhau los (Lub 4 Hlis mus txog Lub 9 Hlis)

**10. Kuv yog ib tug tswv (sole proprietor) ntawm lub lag luam yam tsis muaj neeg ua haujlwm. Kuv puas tseem muaj npe thov tau peev nyiaj pab?**

Cov lag luam uas muaj ib tug tswv xwb uas muaj raws li tej txheem lus uas muaj npe thov kuj txais tau kev pab uas lwm peev nyiaj los ntawm zos, xeev, thiab toom fww tsis roos uas yog txog li \$10,000 yeej muaj npe, tsuas nws muaj ib thaj chaw khiav lub lag luam ntawd uas tsis yog ua nyob hauv tsev. Vim li no, tej tsheb ua zaub mov noj, tej tshuab tso qhov noom noj (vending machine) thiab lwm yam kev ua zaub mov noj mus tau rau ub rau no yuav tsis xam

tias yog ib thaj chaw khiav lag luam (permanent commercial location).

**11. Lo lus "permanent commercial location" txhais tau li cas?**

Ntsig txog kev thov nyiaj rau qhov txheej xwm no, lo lus permanent commercial location txhais tau tias ib qho uas txav tsis tau xws li chaw ua haujlwm, lub tsev tso khoom ub khoom no, lub kiab khw lossis lwm qhov chaw uas uas muaj kev lag luam tshwm sim. Tej lag luam uas xws li mus rau ub rau no, xws li rooj muab khoom noj, tsheb ua mov noj, tej ntawd, yog xam tias yog tej lag luam ua hauv tsev raws li txheem lus ua npe thov nyiaj no.

Tej lag luam ua rau hauv tsev, rau ib cheeb tsam hauv tsev, lossis nyob rau tib thaj chaw li lub tsev yog muab xam tias yog lag luam ua hauv tsev.

**12. Kuv muaj ib thaj chaw qhib ua lag luam tiamsis tau muab tso tseg vim muaj tus kab mob COVID. Kuv puas tseem muaj npe thov tau peev nyiaj pab no?**

Yog, thov tau. Vim ua raws li lub hom phiaj thov nyiaj pab no, koj yeej yog ib lub lag luam uas muaj chaw qhib yog tias koj tau muab tso tseg vim kev poob peev rau lag luam vim muaj tus kab mob COVID-19. Koj yuav tsum muaj pov thawj qhia tias nws yeej xaub lossis yuav lub thaj tsam ntawd los ua la gluam txij li Lub 3 Hlis tim 1, 2020 los lawm.

**13. Yuav nij tej ntaub ntawv twg thaum ua ntawv thov?**

Yuav tsum ua tiav tej ntaub ntawv nyob hauv online. Tej ntaub ntawv pov thawj uas yuav nij yog daim W9, txhais tau tias koj yuav nij koj tus zauv taxpayer identification number/EIN thiab lub npe lag luam, thiab ib daim ntawv qhia txog kev ua se rau xyoo 2019. Yog tias koj lub lag luam pib qhib rau xyoo 2020 thiab raug txwv los ntawm tswv xeev cov lus txib EO 20-99, tiv tauj [economic.development@hennepin.us](mailto:economic.development@hennepin.us) yog xav paub ntxiv.

Yog tias tau xaiv koj daim ntawv thov los ntawm kev twv xab lab (lottery system) thiab yeej pom zoo lawm los, kuj tseem yuav kom muab tej ntaub ntawv xa tuaj ntxiv, thiab/lossi nij lwm yam ntaub ntawv ntxiv.

**14. Kuv muaj ntau lub lag luam nyob hauv Hennepin County. Kuv puas thov tau nyiaj pab rau kuv txhua lub tsev lag luam?**

Cov tso npe thov nyiaj thawj zaug rau ntau qhov chaw lag luam kuj yuav txais tau nyiaj pab rau ntau qhov chaw lag luam thiab. Tej lag luam uas twb tau txais kev pab yav tag los lawm kuj yuav thov nyiaj pab ntxiv tau txog li 3 lub tsev lag luam, yog tias koj ua npe thov rau txhua lub tsev lag luam no.

**15. Yuav nij tej ntaub ntawv twg tom qab ua ntawv thov tag, tiamsis ua ntej txais tau peev nyiaj pab?**

Yuav kom ua ntaub ntawv ceev thiab sai thaum tseem muaj nyiaj thiab xa tau peev nyiaj raws sijhawm, yuav hais kom tej lag luam muab ntaub ntawv los ntxiv. Tej ntaub ntawv tseem

ceeb yog tej uas qhia tias muaj npe nyob rau lub Minnesota Secretary of State, ntawv ua se rau xyoo 2019, W9, thiab ntaub ntawv qhia txog tej nuj nqis raug li cas.

Kuj yuav nug txog lwm yam ntaub ntawv ntxiv raws li tsim nyog ua ntej lossis tom qab xa peev nyiaj tuaj rau koj, thiab koj yuav tsum xa ntaub ntawv tuaj ntxiv yog peb thov txog, xws li ntaub ntawv qhia txog cov neeg ua haujlwm; tej nyiaj txiag faib los them nuj nqis, nuj nqis uas lwm tus tseem yuav tau them koj, thiab ntawv pov thawj txog kev siv peev nyiaj mus li cas; thiab qhia ib qho zuj zus txog tej peev nyiaj pab rau sijhawm muaj kab mob COVID-19 uas tau txais yav tag los; IRS form 941, W3 lossis lwm yam ntaub ntawv uas qhia txog kev them nyiaj rau cov neeg ua haujlwm. Ua ntej txais tau peev nyiaj pab, cov neeg thov nyiaj uas tau kev pom zoo yuav tsum xyuas thiab kos npe rau ib daim ntawv cog lus tseg, thiab txaus siab raws li tej kev cai siv pob nyiaj pab, uas txheeb xyuas seb siv cov nyiaj ntawd mus them rau dabtsi. Peev nyiaj pab no muab pab cuam xwb, ces tsis tas ua ntaub ntawv txais nyiaj yam tsis them rov qab.

**16. Kuv li credit score yuav muaj feem cuam nrog kuv daim ntawv thov li cas?**

Koj li credit score yuav tsis muaj feem cuam nrog koj kev muaj npe lossis kev xaiv koj los txais peev nyiaj pab cuam.

**17. Peev nyiaj pab yuav txiav txim muab pes tsawg li cas?**

Peev nyiaj pab yuav nyob nruab nrab \$10,000 thiab \$15,000 raws seb lub lag luam muaj ib lossis ntau tshaj cov neeg ua haujlwm them nyiaj W-2 uas tsis suav tus tswv nrog, thiab seb lub lag luam puas muaj ib lub lab qhib kiag lossis ua hauv tsev.

Cov lag luam uas twb tau txais kev pab los ntawm peev nyiaj Hennepin County Small Business Relief Grants rau yav tag los kuj tso npe tau thiab, tiamsis yuav xub pab cov tsis tau txais kev pab dua. Qhov tsis qhia tias twb tau txais peev nyiaj pab yav tag los lawm yuav ua rau koj tsis muaj npe txais kev pab.

**18. Tej nuj nqis uas muaj npe txais tau kev pab yog dabtsi?**

Raws li tej txheem lus los ntawm lub xeev, peev nyiaj pab no yuav tsum yog siv los them khiav lub lag luam xws li them cov neeg ua haujlwm, tus nqi xaub chaw ua lag luam, tus nqi them rau nqi tsev lag luam, them se rau thaj av, nqi dej fais fab, them cov neeg xa khoom tuaj, tej nqi kws lij choj, cuab yeej tiv thaiv tus kheej, tej nqi kho vaj kho tsev thiab khoom yuav los kom ua tau raws li tej txheem lus pab kom tsis txhob sib kis kab mob (<https://staysafe.mn.gov>). Cov nuj nqis uas raug yuav tsum tshwm sim rau Lub 3 Hlis tim 1, 2020 mus txog Lub 12 Hlis tim 30, 2020.

Tej kev poob peev xwb tsis zoo laj thawj txaus los thov peev nyiaj pab. Cov neeg thov nyiaj pab yuav tsum muaj ntawv pov thawj txog cov nuj nqis uas txog li tus nqi nyiaj pab lossis ntau tshaj ntawd kom thiaj li txais tau nyiaj pab.

**19. Kev txiav txim seb yuav faib cov nyiaj yog li cas?**

Lub Hennepin County thiab tus tswj qhov txheej xwm yuav yog tus los xyuas tej ntaub ntawv thov seb puas muaj npe txais tau kev pab raws li tej txheem lus thiab mam li txiav txim seb nws yuav mus nyob rau pab pawg xub pab twg raws li tej txheem lus pab nyiaj. Yog tias muaj cov neeg thov ntau tshaj li muaj nyiaj pab txaus, yuav sib kev twv xab lab los xaiv tom qab txiav txim tias pab pawg twg yog pab uas yuav pab ua ntej.

**20. Puas yuav kom kuv rov them peev nyiaj pab rov qab yog tias kuv txais lwm pob nyiaj pab rau COVID-19 los ntawm lwm lub xeev, zos, lossis tsoom fww lossis rau lwm yam laj thawj?**

Tsuav tsis siv cov nyiaj mus them rau tib co nuj nqis, ces tej zaum kuj yuav tau lwm peev nyiaj pab thiab. Koj muaj lub luag haujlwm los ua raws li tej lus cog tseg thiab cov tswj qhov txheej xwm kuj yuav los txheeb xyuas kev siv peev nyiaj thiab. Yog tias nrhiav pom koj siv cov nyiaj tsis raws li tau cog tseg, kuj yuav hais kom koj rov ntxiv cov nyiaj rov qab.

**21. Tej ntaub ntawv uas kuv xa tuaj puas muaj ceev tseg?**

Nyob hauv txoj cai hauv Minnesota, txhua yam ntaub ntawv yeej qhib saib tau tshwj tsis yog muaj ib yam laj thawj txwv. Ib yam txwv ntawd yog tej ntaub ntawv qhia txog kev khwv tau nyiaj los ntawm lub lag luam uas muab xa tawm rau tej koom haum tsoom fww lawm vim tau muaj kev pom zoo rau tej lag luam raws li cov ntaub ntawv muab ceev tseg lossis tsis ceev tseg. Tsis li ntawd, ces lub Hennepin County yeej yuav tsum ua raws li txhua txoj cai nyob hauv kev cai ceev ntiag tug Minnesota Data Practices Act.

**22. Kuv yuav paub tias kuv nyob rau qhov good standing li cas? Nyob rau qhov “good standing” txhais tau li cas?**

Yuav tsum muab koj lub lag luam cuv npe nrog lub Minnesota Secretary of State kom thiaj li paub tias koj yeej yog ib lub tseem lag luam. "In good standing" txhais tau tias koj lub lag luam yeej ua raws li thiab tso npe lag luam nyob hauv lub Office of the Secretary of State pib txij li Lub 3 Hlis tim 1, 2020 los lawm.

Koj mus xyuas seb koj li kev tso npe nyob li cas nrog lub Office of the Secretary of State [ntawm no](#).

Raws li txheem lus hauv lub xeev, yog tias ib lub lag luam twg seem nqi se uas them tsis tau tag rau lub Minnesota Secretary of State ces yuav tsis muaj npe txais tau peev nyiaj pab.

**23. Kuv lub lag luam tsis muaj nuj nqis txog \$15,000 (lossis tsis txog \$10,000 rau cov lag luam muaj ib tug tswv lossis lag luam ua hauv tsev uas muaj cov neeg ua haujlwm) uas lwm peev nyiaj tsis tau pab roos. Kuv puas tseem muaj npe?**

Tsis muaj npe thov. Zaum kev thov nyiaj no yog rau cov lag luam uas muaj nuj nqis txog \$15,000 (lossis \$10,000 rau cov lag luam muaj ib tug tswv lossis lag luam ua hauv tsev uas

muaj cov neeg ua haujlwm) uas lwm peev nyiaj hauv zos, xeev, lossis tsoom fwv tsis tau pab roos. Yog tias koj lub lag luam khwv tau nyiaj tsawg tshaj peev nyiaj pab no (lossis tsawg tshaj li tagnrho peev nyiaj pab hauv Hennepin County) nyob rau xyoo 2019, ces koj tsis muaj npe thov tau kev pab.

**24. Kuv lub lag luam tsis tau ua se rau xyoo 2019. Kuv puas muaj npe?**

Raws li xov xwm IRS News Release [IR-2020-154](#), lub sijhawm los ua se rau xyoo 2019 yog Lub 7 Hlis tim 15. Rau tej tus neeg, hnuv kawg los ua se yog Lub 10 Hli tim 15. Yog tias koj muaj laj thawj zoo tsis tau ua tiav koj li se nrog lub IRS, koj luam daim ntawv uas lawv ntxiv sijhawm rau koj ua se thiab thawj phab ntawv ntawm koj daim ntawv ua se xyoo 2018. Tej lag luam uas tsim tsa ua ntej Lub 1 Hlis tim 1, 2020 thiab tsis tau ua se rau xyoo 2019 lossis tsis tau kev tso cai ntxiv sijhawm los ua se tsis muaj npe thov peev nyiaj pab no.

Hennepin County muaj txoj cai los xub pab cov lag luam uas muaj ntaub ntawv ua se rau xyoo 2019 ua ntej..

**25. Kuv lub lag luam pib khwv tau nyiaj nyob rau xyoo 2020. Kuv yuav xa yam ntawv pov thawj twg tuaj yog tias tsis tau muaj ntawv ua se rau xyoo 2019?**

Tiv tauj [economic.development@hennepin.us](mailto:economic.development@hennepin.us) yog xav paub ntxiv.

**26. Kuv muaj ntau lub lag luam nyob thoob lub Hennepin County, txhua lub yeej muaj npe txais tau kev pab. Tagnrho kuv txhua lub lag luam tsis tau txais peev nyiaj Hennepin County Small Business Grants dua los li. Puas yog kuv tsuas thov tau kev pab rau 3 ntawm 5 lub lag luam xwb?**

Cov neeg ua lag luam uas thov nyiaj thawj zaug kuj tso npe thov rau txhua lub lag luam tau. Cov neeg ua lag luam uas twb tau txais peev nyiaj pab yav tag lawm tso npe thov tau 3 lub lag luam rau zaum kev thov nyiaj no.

**27. Tej peev nyiaj pab no puas muab suav ua se?**

Hennepin County tsis yog tus pab qhia tswv yim ua se thiab peb txhawb koj mus nug tus neeg ua se rau koj. Tej zaum tej peev nyiaj pab kuj raug tsoom fwv thiab xeev rho se tawm thiab.

**28. Kuv yuav paub tias kuv lub koom haum nonprofit puas muaj npe thov peev nyiaj pab no li cas?**

Cov koom haum nonprofit uas khwv tau nyiaj ib yam li tej lag luam for-profit thiab raug kev txwv los ntawm tswv xeev cov lus txib Executive Order 20-99 Section 7cii muaj npe rau peev nyiaj pab no. Tej no muaj xws li cov nonprofit tsev saib mauv vim, tsev saib tej khoom qub, chaw ntaus nkauj lossis kos duab uas tau nyiaj los ntawm kev muag pib nkag; tej chaw nqa kab uas tau nyiaj los ntawm neeg tso npe ua tswv cuab lossis lwm yam haujlwm.

**29. Kuv lub koom haum nonprofit muag tsis tau tej pib los txhawb kev thov nyiaj pab (fundraiser) vim muaj tus kab mob COVID-19. Peb puas muaj npe rau qhov txheej xwm no?**

Thov tsis tau. Tsuas pub cov koom haum nonprofit uas muag pib lossis tau nyiaj li tej lag laum for-profit xwb thiab rau kev txwv los ntwam tswv xeev cov lus txib Executive Order 20-99 Section 7ciii thiaj li muaj npe txais tau kev pab zaum no xwb.

**Puas tseem muaj lus nug lossis nij pab tso npe thov nyiaj pab?**

Yog muaj tej lus nug tsis nyob hauv cov lus nug nqhuag nug FAQ no, thov tiv tauj [economic.development@hennepin.us](mailto:economic.development@hennepin.us).

**Hennepin County Txoj Caij Los Hloov Tau Tej Txheem Lus thiab Kev Xyuas Ntaub Ntawv**

Cov ntaub ntawv muab sau rau saud yog sau los pab taw qhia mentsis xwb. Lub Hennepin County yeej muaj cai los hloov tej txheem lus no yog tias lawv pom zoo. Lub Nras yeej muaj cai tshem tawm, rho tawm, thiab/lossis hloov tej txheem lus txog kev pab nyiaj thiab kev khiav ntaub ntawv rau thaum twg los yeej tau yam tsis xam txog cov neeg tso npe thov nyiaj tias lawv them tus nqi khiav ntaub ntawv lossis yuav tab kaum lawv li cas li. Lub Hennepin County muaj txoj cai los txais lossis tsis txais tej ntawv thov nyiaj, seb yuav los txais los tsis txais tej ntawv thov uas xa tuaj lig, los thov ntaub ntawv ntxiv raws li tsim nyog ntwam leejtwg los tau. Kev txiav txim muab peev nyiaj pab yuav yog tus tswj peev nyiaj thiab lub Hennepin County Housing and Economic Development los ua tu txiav txim tom qab lawv ua tib zoo xyuas tej ntawv thov tag.